

清朱孝臧輯

宋詞三百首

閻宗石署



清江雜錄

卷之三

閩中雜錄



宋詞三百首卷之二

上彊村民編

周紫芝

鷓鴣天

一點殘釭欲盡時
乍涼秋氣滿屏幃
梧桐葉上三更雨
葉葉聲聲是別離
調寶瑟
撥金猊
那時同唱鷓鴣詞
如今風雨西樓夜
不聽清歌也淚垂

踏莎行

情似游絲人如飛絮
淚珠閣定空相覷
一溪煙柳萬絲垂
無因繫得蘭舟住
雁過斜陽草迷煙渚
如今已是愁無數
明朝且做莫思量
如何過得今宵去

李甲

帝臺春

芳草碧色萋萋徧南陌暖絮亂紅也似知人春愁無力憶得
盈盈拾翠侶共攜賞鳳城寒食到今來海角逢春天涯爲客
愁旋釋還似織淚暗拭又偷滴漫倚徧危闌儘黃昏也只
是暮雲凝碧拚則而今已拚了忘則怎生便忘得又還問鱗
鴻試重尋消息

憶王孫

萋萋芳草憶王孫柳外樓高空斷魂杜宇聲聲不忍聞欲黃
昏雨打梨花深閉門

萬俟詠

三臺

清明應制

見梨花初帶夜月海棠半含朝雨內苑春不禁過青門御溝
漲潛通南浦東風靜細柳垂金縷望鳳闕非煙非霧好時代
朝野多歡徧九陌太平簫鼓乍鶯兒百轉斷續燕子飛來
飛去近綠水臺榭映鞦韆鬪草聚雙雙游女錫香更酒冷踏
青路會暗識天桃朱戶向晚驟寶馬雕鞍醉襟惹亂花飛絮
正輕寒輕暖漏永半陰半晴雲暮禁火天已是試新妝歲
華到三分佳處清明看漢蠟傳宮炬散翠煙飛入槐府斂兵
衛閭闔門開住傳宣又還休務

徐伸

二郎神

悶來彈鵲又攪碎一簾花影漫試著春衫還思纖手熏徹金
猊燼冷動是愁端如何向但怪得新來多病嗟舊日沈腰如
今潘鬢怎堪臨鏡重省別時淚溼羅衣猶凝料爲我厭厭
日高慵起長託春醒未醒雁足不來馬蹄難駐門掩一庭芳
景空立盡日闌干倚徧畫長人靜

田爲

江神子慢

玉臺挂秋月鉛素淺梅花傳香雪冰姿潔金蓮襯小小淩波
羅襪雨初歇樓外孤鴻聲漸遠遠山外行人音信絕此恨對
語猶難那堪更寄書說教人紅消翠減覺衣寬金縷都爲
輕別太情切消魂處畫角黃昏時節聲嗚咽落盡庭花春去

也銀蟾迴無情圓又缺恨伊不似餘香惹鴛鴦結

曹豳

驀山溪

梅

洗妝真態不作鉛華御竹外一枝斜想佳人天寒日暮黃昏
院落無處著清香風細細雪垂垂何況江頭路月邊疏影
夢到消魂處結子欲黃時又須作廉纖細雨孤芳一世供斷
有情愁消瘦損東陽也試問花知否

李 玉

賀新郎

篆縷消金鼎醉沈沈庭陰轉午畫堂人靜芳草玉孫知何處
惟有楊花糝徑漸玉枕騰騰春醒簾外殘紅春已透鎮無聊

殢酒厭厭病雲鬢亂未忺整
江南舊事休重省徧天涯尋
消問息斷鴻難倩月滿西樓憑闌久依舊歸期未定又只恐
瓶沈金井嘶騎不來銀燭暗枉教人立盡梧桐影誰伴我對
鸞鏡

廖世美

燭影搖紅

題安陸浮雲樓

靄靄春空畫樓森聳凌雲渚紫薇登覽最關情絕妙誇能賦
惆悵相思遲暮記當日朱闌共語塞鴻難問岸柳何窮別愁
紛絮 催促年光舊來流水知何處斷腸何必更殘陽極目
傷平楚晚霽波聲帶雨悄無人舟橫野渡數峰江上芳草天
涯參差煙樹

呂濱老

薄倖

青樓春晚晝寂寂梳勻又懶乍聽得鴉啼鶯哢惹起新愁無限
記年時偷擲春心花前隔霧遙相見便角枕題詩寶釵貫酒共
醉青苔深院怎忘得迴廊下攜手處花明月滿如今但暮雨蜂
愁蝶恨小窗閒對芭蕉展卻誰拘管儘無言閒品秦箏淚滿參
差雁腰肢漸小心與楊花共遠

查荃

透碧霄

機蘭舟十分端是載離愁練波送遠屏山遮斷此去難留相
從爭奈心期久要屢變霜秋歎人生杳似萍浮又翻成輕別

都將深恨付與東流。想斜陽影裏寒煙明處，雙槳去悠悠。
愛渚梅幽香動，須采掇情纖柔。豔歌粲發，誰傳餘韻，來說仙
游。念故人留此遐州，但春風老後，秋月圓時，獨倚江樓。

魯逸仲

南浦

風悲畫角，聽單于三弄，落譙門。投宿駸駸，征騎飛雪滿孤邨。
酒市漸闌，燈火正敲窗，亂葉舞紛紛。送數聲驚雁，乍離煙水，
嘹唳度寒雲。好在半隴淡月到，如今無處不消魂。故國梅
花歸夢，愁損綠羅裙。爲問暗香閒豔也，相思萬點付啼痕。算
翠屏應是，兩眉餘恨，倚黃昏。

岳飛

滿江紅

怒髮衝冠，憑闌處、瀟瀟雨歇。擡望眼、仰天長嘯，壯懷激烈。三十功名塵與土，八千里路雲和月。莫等閒、白了少年頭，空悲切。
靖康恥，猶未雪。臣子憾，何時滅。駕長車，踏破賀蘭山缺。壯志飢餐胡虜肉，笑談渴飲匈奴血。待從頭、收拾舊山河，朝天闕。

張 掄

燭影搖紅 上元有懷

雙闕中天，鳳樓十二，春寒淺。去年元夜，奉宸游，曾侍瑤池宴。玉殿珠簾盡捲，擁羣仙、蓬壺閬苑。五雲深處，萬燭光中，揭天絳管。
馳隙流年，恍如一瞬，星霜換。今宵誰念，泣孤臣、回首

長安遠可是塵緣未斷漫惆悵華胥夢短滿懷幽恨數點寒
燈幾聲歸雁

程垓

水龍吟

夜來風雨恁恁故園定是花無幾愁多怨極等閒孤負一年
芳意柳困桃慵杏青梅小對人容易算好春長在好花長見
原只是人憔悴回首池南舊事恨星星不堪重記如今但
有看花老眼傷時清淚不怕逢花瘦只愁怕老來風味待繁
紅亂處留雲借月也須拚醉

張孝祥

六州歌頭

長淮望斷，塞莽然平。征塵暗，霜風勁，悄邊聲。黯消凝。追想當年事，殆天數，非人力。洙泗上，絳歌地，亦殫腥。隔水氈鄉落，日牛羊，下區脫。縱橫看，名王宵獵，騎火一川明。笳鼓悲鳴，遣人驚。念腰閒箭匣中，劍空埃，蠹竟何成。時易失，心徒壯，歲將零。渺神京，千羽方懷遠。靜烽燧，且休兵。冠蓋使，紛馳騖，若爲情。聞道中原遺老，常南望，翠葆霓旌。使行人到此，忠憤氣填膺，有淚如傾。

韓元吉

六州歌頭

東風著意，先上小桃枝。紅粉膩，嬌如醉，倚朱扉。記年時，隱映新妝，面臨水岸，春將半。雲日暖，斜橋轉，夾城西。草軟莎平，蹴

馬垂楊渡玉勒爭嘶認蛾眉凝笑臉薄拂燕脂繡戶曾窺恨
依依 共攜手處香如霧紅隨步怨春遲消瘦損憑誰問只
花知淚空垂舊日堂前燕和煙雨又雙飛人自老春長好夢
佳期前度劉郎幾許風流地花也應悲但茫茫暮靄目斷武
陵溪往事難追

好事近

凝碧舊池頭一聽管絃淒切多少梨園聲在總不堪華髮
杏花無處避春愁也傍野煙發惟有御溝聲斷似知人嗚咽
袁去華

瑞鶴仙

郊原初過雨見數葉零亂風定猶舞斜陽挂深樹映濃愁淺

黛遙山眉嫵來時舊路尙巖花嬌黃半吐到而今惟有溪邊
流水見人如故無語郵亭深靜下馬還尋舊曾題處無聊
倦旅傷離恨最愁苦縱收香藏鏡他年重到人面桃花在否
念沈沈小閣幽窗有時夢去

劍器近

夜來雨賴倩得東風吹住海棠正妖饒處且留取 悄庭戶
試細聽鶯啼燕語分明共人愁緒怕春去 佳樹翠陰初轉
午重簾未捲乍睡起寂寞看風絮偷彈清淚寄煙波見江頭
故人爲言憔悴如許彩牋無數去卻寒暄到了渾無定據斷
腸落日千山暮

安公子

弱柳千絲縷嫩黃，勻徧鴉啼處。寒入羅衣春尚淺，過一番風雨。問燕子來時，綠水橋邊路。曾畫樓見箇人，人否料靜掩雲窗塵滿。哀絃危柱。庾信愁如許，爲誰都著眉端聚。獨立東風彈淚眼，寄煙波東去。念永晝春閒人倦，如何度閒傍枕百轉黃鸝語。喚覺來厭厭殘照，依然花塢。

陸淞

瑞鶴仙

臉霞紅印枕，睡覺來冠兒還是，不整屏閒。麝煤冷，但眉峰壓翠淚珠彈粉堂深。晝永燕交飛，風簾露井，恨無人說與相思。近日帶圍寬盡。重省殘燈朱幌，淡月紗窗，那時風景。陽臺路迴，雲雨夢便無準。待歸來先指花梢，教看欲把心期細問。

問因循過了青春怎生意穩

陸游

卜算子 詠梅

驛外斷橋邊寂寞開無主已是黃昏獨自愁更著風和雨
無意苦爭春一任羣芳妒零落成泥碾作塵只有香如故

漁家傲

東望山陰何處是往來一萬三千里寫得家書空滿紙流清
淚書回已是明年事寄語紅橋橋下水扁舟何日尋兄弟
行徧天涯真老矣愁無寐鬢絲幾縷茶煙裏

定風波

進賢道上見梅贈王伯壽

敲帽垂鞭送客回小橋流水一枝梅衰病逢春都不記誰謂